

Wolayta - Ailletettaappe Haiquwau Xoossaa - Free from Death Scriptures

Roome 6:23 Aissi giikko, nagrai qanxxiyo miishshai haiquwaa. SHin Xoossai nu Godaa Kiristtoos Yesuusa baggaara immiyo imoi merinaa deuwaa.

Roome 8:2 aissi giikko, Kiristtoos Yesuusa baggaara nuuyyo deuwaa ehiya Geeshsha Ayyaanaa higgee tana nagaraa higgiyaa aillettetaappenne haiquwaa higgiyaa aillettetaappe kessiis.

2 Naaantto Ximootiyoosa 1:10 SHin hai ha aaro kehatettai nuna ashshiya Kiristtoos Yesuusa yuussan nuuyyo qoncciis. Qassi haiquwaa wolqqaakka i xaissiis. Wonggeliyaa mishiraachchuwaa baggaara xayenna deuwaa nuuyyo qonccissees. Iyyooba 5:2 Eeyya uraa lanccee wores; akekai paccido uraakka qanaatee xaissees.

Hoosea 13:14 Eta taani duufuwaappe ashshana; haiquwaa wolqqaappekka wozana. Haiquwau, ne boshati awaanee? Duufuwau, ne bashshai awaanee? "Taani ta asaayyo qarettikke.

Mazamure 9:13/14 Abeet GODAU, Xiyoone asaa karen taani eqqada, ne galataa yotana malanne hegan ne atotttan keehi ufaittana mala, ta morkketi tana yedettiyoogaa bea. Neeni taayyo qarettada, haiquwaappe tana ashsha.

Iyyooba 6:26 Intte taani haasayiyo haasayaa carkko mala giidi qoppeeta. Yaatin, taani hidoota qanxxada haasayiyo haasayaa aissi qoreetii?

Iyyooba 33:22 I haiqqanaunne mogettanau hanees.

Hizqqeela 37:12,13 Hegaa gishshau, etassi hagaadan yaagada hananabaa yoota; 'Ubbaa Haariya GODAI hagaadan yaagees; "Inttenoo, ta asatoo, taani intte duufuwaa dooyana; dooyada inttena hegaappe kessana; taani inttena zaarada, Israaeela biitti ehaana. 13 Ta asatoo, taani intte duufuwaa dooyiyo wodenne inttena kessiyo wode, taani GODAA gidiyoogaa intte erana.

Maatiyoosa 27:52 Xoossaa asatuppe daroti haiqqidaageeti, haiquwaappe denddidosona.

Doomettaabaa 2:7 Hegaappe guyyiyan, GODAI Xoossai biittaa baanaappe issi asa medhdhiis; medhdhidi a siiriyan deo shemppuwaa shemppi gelissiis; yaatin bitanee paxa de7iya asa gidiis.

Doomettaabaa 6:17 "Taani saloppe garssan deo shemppoora de7iya mereta ubbaa xaiisanau, ha sa7aa bollan bashshaa haattaa yeddana; yeddin ha sa7an de7iyaabai ubbai xayana.

Doomettaabaa 7:15 deo shemppoora de7iyaageeti ubbai naa77aa naa77aa gididi, Nohekko markkabiyan gelidosona;

Doomettaabaa 7:22 Ee, mela biittaa bollan de7iya, ba siireera deo shemppuwaa shemppiya ubbaikka haiqqiis.

Iyyooba 12:10 Paxa de7iya meretatu ubbaa deoinne asa ubbaa shemppoi a kushiyaana. Iyyooba 33:4 Tana Xoossaa Ayyaanaai

medhdhiis; Ubbaa Danddayiya Xoossaa shemppoi taayyo deuwaa immiis.
Yesuusi Kiittidoogeetu Oosuwaa 17:25 Aibakko paccido asadan, asa kushe i xeellenna; aissi giikko, i ba huuphen deuwaa shemppuwaanne ubbabaa asa ubbaassi immees.

Ajjuutaa 13:15 Qassi kiro doaa misilee haasayanaadaaninne baayyo goinnenna ubbaa woranaadan, naa77antto doai ba shemppuwaa kiro doaa misiliyan shemppi gelissanau azazettiis.

Yohaannisa 10:10 Kaisoi wuuqqanau, woranaunne xaissanau yiyoogaappe attin, harabau yeenna; taani etau deoi deana malanne kumidi palahana mala yaas.

Isiyaasa 28:15 Intte, "Nuuni haiquaara maacettida; Si7ooliyaarakka caaqettida; nuuni wordduwaa nuussi qato oottido gishshaunne malttiyaa nuussi qosetti attiyo soho oottido gishshau, hanttaara boshai yiidikka nuna bochchennan aadhdhana" yaagidi ceeqetteeta.

Isiyaasa 28:18 Hegaappe guyyian, intte haiquaara maacettido maachchai laalettana. Si7ooliyaarakka caaqettido caaquoikka minnenna. Hanttaara boshai yiyo wode, intte an shocettana.

Isiyaasa 5:24 Tamaa lacoi dalaa oiqqiyogaadaaninne mela maatai eexxi xayiyoogaadan, hegaadan eta xaphoi wooqqana; eta ciishshaikka buhiyaadan laaletti xayana; aissi giikko, eti Ubbaappe Wolqqaama GODAA higgiyaa ixxidosona; Israaeela Geeshshaa qaalaakka karidosona.

Yuueela1:12Woiniyaa turai meliis; balasiyaa mittaikka shulliis;roomaane giyo mittai, temire giyo mittai, appiliyaa giyo mittainne qassi shooqan deiya hara mitta ubbaikka meliis. Hegaa gishshau, asaappe ufaissai haakkiis.

Hoosea 13:15 Efireemi ba ishantu giddon minnikkokka, GODAI yeddido arshsho bagga carkkoi bazzoppe carkkiiddi yaana. Yobare a pulltoti toana; a haatta ollatikka melana. Buquraa i minjiyo keettatun de7iya alo miishsha ubbai bonqgettana.

Ajjuutaa 22:1 Hegaappe guyyian, kiitanchchai tana Xoossaa kawotaa araataappenne Dorssaa kawotaa araataappe goggiya birilledan phooliya deo haattaa shaafaa bessiis.

Yohaannisa 4:10 Yesuusi zaaridi o, "Neeni Xoossai immiyoobaanne qassi nena haattaa ushsha giyaagee oonakko eriyaabaa gidiyaakko, a woossana shin; i neeyyo deo haattaa immana" yaagiis.

Yohaannisa 4:14 SHin taani immana haattaa uyiya ooninne mulekka saamettenna. Taani immana haattai he aawu giddon merinaa deuwau pulttiya pulatto gidana" yaagiis.

Leemiso 13:14 Aadhdhida eranchchai immiyo timirttee deo pulatto; hegee asi haiquwaa piriyaappe kessi ekkanau maaddees.

Leemiso 14:27 GODAASSI yayyiyoggee deoi kiyiyo pulatto; hegaa gishshau, neeni haiquwaappe kessa ekkanau koyikko, GODAASSI yayya.

Hizqqeela 13:17-23 "Laa asa naau, bantta qofaappe denddidi, hananabaa

yootiya ne asaa maccaasatukko hai ne somuwaa zaara; zaarada eta bolli hananabaa yoota. 18 Hagaadan yaaga; 'Ubbaa Haariya GODAI hagaadan yaagees; "Hara asaa bollan asayyo wolqqai deanaadan, eta kushiyan ubban murunnobaa sikkidi wottiyaanne qanttanne adussa asaassi shaashiyya giigissiya maccaasatoo, intteyyo aayyeana! Intte ta asaa woranaunne pattanau intteyyo maatai deanaadan koyeeta. 19 Issi kophphe bangga woikko issi baso oitta demmanau, yeellayiyaabaa oottidi, ta asaa sinttan tana kaushsheeta. Hegaa giyoogee intte haiqqanau bessennaageeta woridi, attanau bessennaageeta ashsheeta giyoogaa. Yaatidi ta asaassi wordduwaa odeeta; etikka intte wordduwaa siyoosona" yaagees. 20 "Hegaa gishshau, Ubbaa Haariya GODAI hagaadan yaagees; "Intte hara asaa bollan asaayyo wolqqai deanaadan, intte kushiyan wottido murunnuwaa taani ixxais. Taani a intte kushiyaappe duutta olana; piriyaappe kessi ekkiya kafuwaadan, taani eta intte wolqqaappe ashsha ekkana. 21 Taani intte shaashiyaakka qaara ekkada, ta asaa merinau intte kushiyaappe wotta ekkana. Taani GODAA gidiyoogaa intte hegan erana. 22 Taani azzanissabeenna xillo asaa wozanaa intte wordduwan azzanissideta; nagaranchchatikka bantta iita oosuwaappe simmidi, bantta shemppuwaa ashshennaadan, intte eta minttideta. 23 Hegaa gishshau, naa77antto worddo ajuutaa beekketa; murunnobaakka oottekketa. Taani ta asaa intte kushiyaappe wotta ekkana. Taani GODAA gidiyoogaa intte hegan erana" yaagees' yaaga" yaagiiddi yiis.

Ermmaasa 21:8 GODAI Ermmaasa, "Gujjadakka asaayyo hagaadan yaagada yoota; 'GODAI hagaadan yaagees; "Beite, taani intte sinttan deuwaa ogiyaanne haiquwaa ogiyyaa wottaas.

Iyyooba 34:22 Ane nuuni likkebaanne loobaa shaakkidi eroos.

Mazamure 16:10 Tana Si7ooliyau aattada immakka; neeni nenan ammanettiyaagaa musissakka.

Mazamure 23:4 Neeni ta GODAI tanaara de7iyo gishshau, taani haiquwaa milatiya xumaa giddoora biikkokka, iitabau yayyikke. Ne gatimainne ne guufee tana minttettoosona.

Mazamure 30:3 Abeet GODAU, tana duufuwaa beennaadan naagadasa; duge ciimma ollan gelennaadan, neeni tana paxa ashshadasa.

Mazamure 49:15 SHin Xoossai tana wotti ekkana; i tana haiquwaa wolqqaappe ashshana.

Mazamure 56:13 Aissi giikko, neeni tana haiquwaappe, ta tohuwaa kunddettaappe ashshadasa. Hegaa gishshau, i paxa de7iyaageetu bollan poo7issiyo poo7uwan Xoossa sinttan taani hemettais.

Mazamure 68:20 Ee, nu Xoossai nuna ashshiya Xoossaattennee! Haiquwaappe attiyo Ubbaa Haariya GODAI ashshiina.

Mazamure 89:48 Asi haiqqennan coo deanau waani danidayii? Qassi duufuwaa gelennaadan, bana ashshanau waani danidayii?

Mazamure 102:19,20 GODAI xoqqan de7iya ba geeshsha sohuwaappe duge xeelliis; i saluwaappe duge sa7aa dereqqiis. Hegeenne, qashettida asatu ooliyaa siyanaassanne haiquwaassi pirddettida asata birshhanaassa.

Mazamure 116:8 GODAI tana haiquwaappe, ta aifiyaa afuttaappe, ta tohuwaakka xubiyaappe ashshiis.

Leemiso 10:2 Nagarān demmido miishshai goenna; shin xillotettai haiquwaappe ashshees.

Isiyaasa 26:19 Haiqqida ne asai paxana; eta ahaikka denddana. Inttenoo, biittaa buhiyaa giddon de7iyaageetoo, intte xaa zai maallado xaza mala gidiyo gishshaunne, sa7aikka haiqqidaageeta zaarettidi immiyo gishshau, beegottitenne ufaissau yexxite.

Yohaannisa 5:28,29 “Hagan garamettoppите; aissi giikko, duufuwan de7iyaageeti a cenggurssaa siyiyo wodee yees. 29 Siyidi eti duufuwaappe gaxi kiyana; loobaa oottidaageeti deanau denddana; qassi iitabaa oottidaageeti pirddettanau denddana.

Yohaannisa 10:28 Taani etayyo merinaa deuwaa immais; qassi eti mulekka haiqqokkona. Ooninne ta kushiyaappe eta wotti ekkanaau danddayenna.

Yohaannisa 11:43,44 Yesuusi hegaa giidoogaappe guyyian, ba qaalaa xoqqu oottidi, “Alaazaraa, haa kiya!” yaagiis. 44 Haiqqida bitaniyau kusheenne tohoi shaluwan qashetti uttidaashiininne a somoikka afalan kametti uttidaashin kiyiis. Kiyin Yesuusi eta, “Birshshidi aggi bayite! Bo!” yaagiis.

Yohaannisa 12:17 Alaazari moogettido gonggoluwaappe Yesuusi a xeesidi, haiquwaappe denttido wode, Yesuusaara de7iya daro asai Yesuusayyo markkattiis.

Yohaannisa 17:2 Aissi giikko, neeni ayyo immido ubbau merinaa deuwaa i immaa mala, asa ubbaa bollan ayyo maataa immadasa.

1 Koiro Qoronttoosa 15:19-26 Nuuni ha deuwaa xalaalaassi Kiristtoosa yainnidabaa gidikko, ha sa7an de7iya asa ubbaappekka nubai pala. 20 SHin Kiristtoosi haiqqidaageetu dendduwaassi baira gididi, haiquwaappe denddoogee tuma. 21 Aissi giikko, haiqoi issi asa baggaara ha sa7aa yiidoogaadan, haiqqidaageetu denddoikka qassi issi asa baggaara yiis. 22 Aissi giikko, asai ubbai Addaameera dabbotido gishshau haiqqidoogaadan, Kiristtoosaara dabbotido gishshau, ubbai deuwaassi denddana. 23 SHin ubbaikka ba kayan kayan denddana. Kiristtoosi ubbaappe kasetidi denddiis; hegaappe guyyian, Kiristtoosaageeti Kiristtoosi yiyo wode denddana. 24 Hegaappe guyyian, Kiristtoosi halaqatetta ubbaa, godatetta ubbaanne wolqqaanne xaiissidi, Xoossaassi ba Aawaassi kawotettaa immiyo wode, wodiyaa wurssettai yaana. 25 Aissi giikko, Xoossai a morkketa ubbaa a tohuwaappe garssaara wottana gakkanaassi, Kiristtoosi haaranau bessees. 26 Ubbaappe wurssettan xayana morkkee haiquwaa.

2 Naaantto Qoronttoosa 1:9,10 Nuuni nu bolli haiquwaa pirdai pirddettiis yaagidi qoppida; shin hegee hanidoogee haiqqida asaa haiquwaappe

denttiya Xoossan nuuni ammanettanaappe attin, nu huuphen ammanettennan agganaassa. 10 Xoossai hagaa mala iita haiquwaappe nuna ashshiis; i nuna ashshana; sinttapperekka i nuna ashshana giidi, ufaissan naagi uttida.

2 Naaantto Qorontoosa 3:6 Nuuni Ooratta Maachchaayyo oottana mala, Xoossai nuna danddayissiis; he Ooratta Maachchai Geeshsha Ayyaanagaagaa gidiyoogaappe attin, xaafettida higgiyaagaa gidenna. Xaafettida higgee haiquwaa ehees; shin Geeshsha Ayyaanai deuwaa ehees.

Qolasiyaasa 1:21,22 Hagaappe kase, intte iitabaa oottido gishshaunne qoppido gishshau, Xoossaappe shaahettidi, aara morkkettideta. 22 SHin Xoossai hai inttena pokkoinne boree bainnaageetanne qassi geeshshata oottidi, ba sintti shiishshanau, ba Na7aa haiqqidaagaa asatettan banaara inttena sigettiis.

Ibraawe 2:9 SHin nuuni Yesuusa be7oos; Yesuusi Xoossaa aaro kehatettaa baggaara asa ubbau haiqqana mala, amarida wodiyaa kiitanchchatuppe garssa gidiis. Qassi haiqo waayiyaa i waayettido gishshau, poo7iya bonchchonne saba akiliiliyaa wottidaagaa hai nuuni be7oos.

Ibraawe 2:14,15 Naata giidi i xeesiyooogeeti, ashoppenne suuttappe merettida asata gidiyo gishshau, Yesuusi ba huuphen eta milatidi, eta meretaa ekkiis; qassi i hegaa oottidoogee, xalahe halqaan wolqqaa ba haiquwan xaissanaassa. 15 Qassi bantta deo ubban haiquwau yayyidi, au aillettidi de7iyaageeta ubbata aillettettaappe kessiis.

Ibraawe 11:5 Heenooki haiqqennan saluwaa biidoogee ammanuwaana; Xoossai efiido gishshau, ooninne a beanau danddayibeenna. Xoossaa max-aafai, "Heenooki saluwaa baanaappe kase Xoossaa ufaissiis" yaagees.

1 Kiro Pheexiroosa 3:18 Aissi giikko, Kiristtoosi nuna Xoossaakko efaanau, baayyo xillo gidiiddi, makkalanchchatu gishshau, issitoo ubbaa nagarau haiqqiis; i ba asatettan haiqqiis; shin ayaanan paxiis.

2 Naaantto Pheexiroosa 1:3 Nuuni Xoossaa bonchchuwaanne lootettaa laattana mala, nuna xeesidaagaa nuuni eriyoogan, Xoossaa milatidi deanau nuna koshshiyaabaa ubbaa Xoossaa wolqqai nuuyyo immiis.

1 Kiro Yohaannisa 3:14 Nuuni nu ishata siiqiyo gishshau, haiquwaappe deuwau pinnidoogaa eroos; ba ishaa siiqenna urai ooninne haiquwaa giddon de7ees.

1 Kiro Yohaannisa 5:11 Simmi markkatettai hagaa; Xoossai nuuyyo merinaa deuwaa immiis; he de7oikka a Naan de7ees.

Ajuutaa 21:6 Qassikka tana hagaadan yaagiis; "Polettiis. Taani Alifaanne omeegaa; doomettaanne poluwaa. Saamettida oonanne taani deuwaa haattaa pultuwaappe coo ushshana.